

北邊合考

滿洲

二



Blank page with faint vertical lines and ghosting of text from the reverse side.

Blank page with faint vertical lines and ghosting of text from the reverse side.



藏書
卷之二

北邊合攻卷之二

日本堅田 京兆 山田聯纂輯

滿洲源流考一

昭公九年肅慎燕毛吾北土也註肅慎北夷在

玄菟北三千餘里○左傳杜註

○成王既伐東夷肅慎來賀王俾榮伯作賄肅

慎之命○尚書

○肅慎之國在白民北有樹名曰雄或作常先

入伐帝於此取之註其俗無衣服中國有聖帝

代立者則此木生皮可衣也

大荒之中有山名不咸有肅慎氏之國註今肅

慎國去遼東三千余里穴居無衣衣猪皮冬以

膏塗体厚數分用却風寒其人皆工射弓長四

尺勁彊箭以楛為之長尺五寸青石為鏑此春

秋時隼集陳候之庭所得共也晉大興三年平

川刺史崔苾遣別駕高會便來獻肅慎氏之弓

矢箭鏃有侶銅骨作者間云轉與海內國通得

用此今名之為挹婁國出好貂赤玉豈從海外

轉而至此子後漢書所謂挹婁者是也 ○山海


經

○孔子在陳惠公賓之於上館時有隼集陳候

之庭而死楛矢貫之石砮其長尺有咫惠公使

以隼如孔子之館而問焉子曰隼之來遠矣此

肅慎氏之矢也 ○家語



○挹婁古肅慎之國也在夫餘東北十餘里東濱大海南與北沃沮接不知其北所極土地多山險人形似夫餘而言語各異有五穀麻布出赤玉好貂無君長其邑落各有大人處於山林之間土氣極寒常為穴居以深為貴大家至接九梯好養豕食其肉衣其皮冬以豕膏塗身厚敬分以禦風寒夏則裸袒以尺布蔽其前後其入臭穢不潔作廁於中園之而居自漢興已後臣屬夫餘種衆雖少而多勇力處山險人善射

發能入人目弓長四尺刀如弩矢用楛長一尺八寸青石為鏃皆施毒中人即死便乘船好寇盜瀕國畏患而卒不能服東夷夫餘飲食類此皆用俎豆唯挹婁獨無法俗最無綱紀者也

○東漢書下同

○東沃沮在高句驪蓋馬大山之東東濱大海北與挹婁夫餘南與濊貊接其地東西夾南北長可折方千里土肥美背山向海宜五穀善田種有邑落長師人性質直彊勇便持矛步戰言

語食飲居處衣服有似句驪其葬作大木槨長十餘丈開一頭為戶新死者先假埋之令皮肉盡乃取骨置槨中家人皆共一槨刻木如主隨死者為數焉武帝滅朝鮮以沃沮地為玄菟郡後為夷貊所侵徙郡於高句驪西北更以沃沮為縣屬樂浪東部都尉至光武罷都尉官後皆以封其渠帥為沃沮候其土迫小於大國之間遂臣屬句驪句驪復置其中大人遂為使者以相監領貴其租稅貂布魚鹽海中食物發美

女為婢妾焉又有北沃沮一名置溝婁去南沃
 沮八百餘里其俗皆與南同畧南接挹婁挹婁
 人憙乘船寇抄北沃沮畏之每夏輒藏於巖穴
 至冬船道不通乃下居邑落其耆老言嘗於海
 中得一布衣其形如中人衣而兩袖長三丈又
 於岸際見一人乘破船頂中復有面與語不通
 不食而死又說海中有女國無男人或傳其國
 有神井闕之輒生子云魏志曰毋丘儉遣王頎
 追句驪王宮寃沃沮東

畧問其耆
 老所傳云

○毋丘儉討句麗句麗王宮奔沃沮遂進師擊
 之沃沮邑落皆破之斬獲首虜三千餘級宮奔
 北沃沮王頎別遣追討宮盡其東畧問其耆老
 海東復有人不耆老言國人嘗乘船捕魚遭風
 見吹數十日東得一島上有人言語不相曉其
 俗常以七月取童女沈海又言有一國亦在海
 中純女無男又說得一有衣從海中浮出其身
 如中國人衣其兩袖長二丈又得一破的隨波
 出在海岸邊有一人項中復有面生得之與語

不相通不食而死其域皆在沃沮東大海中

○三國志魏書

[Faint bleed-through text from the reverse side of the page]

○肅慎氏一名挹婁在不處山北去夫餘可六十日行東濱大海西接寇漫汗國北極弱水其土鬼廣袤數千里居深山窮谷其路險阻車馬不通夏則巢居冬則穴處父子世為君長無文墨以言語為約有石砮皮骨之甲檀弓三尺五寸楛矢長尺有咫 ○晉書

自拂涅以東矢皆石鏃即古肅慎氏也延興中遣乙力支朝獻迄於正光貢使相尋以至於齊朝貢不絕隋開皇初相率遣使貢獻文帝詔其使曰朕聞彼土人勇今來實副朕懷視爾等如子爾宜敬朕如父對曰臣等僻處一方聞內國有聖人故來朝拜其國西北與契丹接每相劫掠後曰其使來文帝誠之使勿相攻擊使者謝文帝勞之令宴飲於前使者與其徒皆起舞曲折多戰鬪容然其國與隋懸隔唯粟末白山為

近煬帝初渠帥突地稽率其部降拜右光祿大夫居之柳城與邊方來往悅中國風俗請被冠帶帝嘉之賜以錦綺而褒寵之及遼東之役突地稽率其徒以從每有戰功賞賜甚厚 ○北史

寢徵無聞焉遺人迸入渤海唯黑水完疆分十
六落以南北稱蓋其居最北方者也人勁健善
步戰常能患它俗編髮綴野豕牙插雉尾為冠
飾自別於諸部性忍悍善射獵無憂戚貴壯賤
老居無室廬負山水坎地梁木其上覆以土如
丘冢然夏出隨水草冬入處以溺盥面於夷狄
最濁澁死者埋之無棺槨殺所乘馬以祭其首
曰大莫拂瞞咄世相承為長無書契其矢石鏃
長二寸蓋楛笴遺法畜多豕無牛羊有車馬田

耦以耕車則步推有粟麥土多貂鼠白兔白鷹
有鹽泉氣蒸薄鹽凝樹顛武德五年渠長阿固
即始來太宗貞觀二年乃臣附所獻有常以其
地為燕列帝伐高麗其北部及共高麗合高惠
真等率衆援安市每戰靺鞨常居前帝破安市
執惠真收靺鞨兵三千餘悉坑之開元十年其
酋倪屈利稽來朝玄宗即拜勃利州刺史於是
安東都護薛泰請置黑水府以部長為都督刺
史朝廷為置長史監之賜府都督姓名曰

獻誠以雲麾將軍領黑水經略使隸幽州都督
訖帝世朝獻者十五大曆世凡七貞元一來元
和中再初黑水西北又有思慕部益北行十日
得郡利部東北行十日得窟說部亦號屈說稍
東南行十日得莫曳皆部又有拂涅虞婁越喜
鐵利等部其地南距渤海北東際於海西抵室
韋南北袤二千里東西千里拂涅鐵利虞婁越
喜時々通中國而郡利屈說莫曳皆不能自通
今存其朝京師者附左方拂涅亦稱大拂涅開

元天寶間八來獻鯨睛貂鼠白兔皮鐵利開元
中六來越喜七來正元中一來虞婁負觀間再
來貞元一來後渤海盛靺鞨皆役屬之不復與
王會矣 ○新唐書下同

○流鬼去京師萬五千里直黑水靺鞨東北少
海之北三面皆阻海其北莫知所窮人依嶼散
居多沮澤有魚鹽之利地蚤寒多霜雪以木廣
六寸長七尺系其上以踐冰逐走獸土多狗以
皮為裘俗被髮粟似莠而小無蔬菰它穀勝兵

萬人南與莫曳靺鞨隣東南航海十五日行乃
 至貞觀十四年其王遣子可也余莫貂皮更三
 譯來朝授騎都尉遣之以上流鬼傳龍朔初有
 儋羅者其王儒李都羅遣使入朝國居新羅武
 州南島上俗朴陋衣大豕皮夏居草屋冬窟室
 地生五穀耕不知用牛以鐵齒杷上初附百濟
 麟德中酋長來朝從帝至太山後附新羅以上
儋羅傳開元十一年又有達末婁達始二部首
 領朝貢達末婁自言北扶餘之裔高麗滅其國

遣人度那河曰居之或曰他漏河東北流入黑
 水達始室韋種也在那河陰凍末河之東西接
 黃頭室韋東北距達末婁云以上達末婁達始
二部傳本傳合四部立傳以附東夷列傳之後

五代史

○黑水靺鞨本號勿吉勿吉古肅慎也元魏時勿吉
有七部隋稱靺鞨七部並同粟末靺鞨保東牟
山後為渤海稱王傳十余世有文字祀樂官府
制度有五京十五府六十二州黑水靺鞨居肅
慎地東濱海南接高麗嘗以兵十五萬衆助高
麗拒唐太宗敗於安市開元中來朝置黑水府
以部長為都督刺史置長史監之賜都督姓李
氏名猷誠領黑水經略使五代時契丹盡取渤
海地而黑水靺鞨其在南者號熟女真其在北

○靺鞨本號勿吉勿吉古肅慎也元魏時勿吉有七部隋稱靺鞨七部並同粟末靺鞨保東牟山後為渤海稱王傳十余世有文字祀樂官府制度有五京十五府六十二州黑水靺鞨居肅慎地東濱海南接高麗嘗以兵十五萬衆助高麗拒唐太宗敗於安市開元中來朝置黑水府以部長為都督刺史置長史監之賜都督姓李氏名猷誠領黑水經略使五代時契丹盡取渤海地而黑水靺鞨其在南者號熟女真其在北

者辨生女真及太祖敗遼兵於境上招諭渤海人曰女真渤海本同一家蓋其初皆勿吉之七

部也 ○金史

此處為模糊之文字，內容難以辨認，可能為另一段歷史記載或地圖說明。

○渤海本號靺鞨高麗之別種也唐高宗滅高麗徙其人散處中國置安東都護府於平壤以統治之武后時契丹攻北邊高麗別種大乞乞仲象與靺鞨乞四比羽走遼東分王高麗故地武后遣將擊殺乞四比羽而乞乞仲象亦病死仲象子祚榮立曰並有比羽之衆其衆四十萬人據挹婁唐中宗時置忽汗州以祚榮為都督封渤海郡王其後世遂號渤海其貴族姓大氏開平元年國王大諲譔遣使者來訖顯德常來

朝貢

○五代

五代時契丹中京稱置公府以統諸部
 於子許第立曰並京以即之是為四十五
 府其地皆在遼東之北以統諸部
 契丹之北曰契丹其地皆在遼東之北
 契丹其地皆在遼東之北
 ○將本封樞密高麗之國林山高麗之國

○初其王數遣諸生詣京師大學習識古今制
 度至是遂為海東盛國地有五京十五府六十
 二州以肅慎故地為上京曰龍泉府領龍湖渤
 三州其南為中京曰顯德府領盧顯鐵湯榮興
 六州臧貊故地為東京曰龍原府亦曰柵城府
 領慶鹽穆賀四州沃沮故地為南京曰南海府
 領沃暗椒三州高麗故地為西京曰鴨綠府領
 神桓豐正四州曰長領府領瑕何二州夫餘故
 地為夫餘府常屯勁兵捍契丹領扶仙二州鄭

頤府領鄭高二州挹婁故地為定理府領定藩
 二州安邊府領安瓊二州率賓故地為率賓府
 領華益建三州拂涅故地為東平府領伊蒙沱
 里比五州鐵利故地為鐵利府領廣汾蒲海義
 歸六州越喜故地為懷遠府領達越懷紀富美
 福邗芝九州安遠府領寧鄒慕常四州又郅銅
 涑三州為獨奏州涑州以其近涑沫江蓋所謂
 粟末水也龍原東南瀕海日本道也南海新羅
 道也鴨綠朝鮮道也長嶺營州道也夫餘契丹

道也俗謂王曰可毒夫曰聖主曰基下其命為
 教王之父曰老王母太妃妻貴妃長子曰副王
 諸子曰王子官有宣詔省中臺省政堂省有左
 右相左右平章侍中常侍諫議又有左六司忠
 仁義部右六司智禮信部各有郎中員外又有
 武員左右衛大將軍之屬大抵憲象中國制度
 服章亦有紫緋淺緋綠及牙笏金銀魚之制余
 俗與高麗契丹略等 ○文獻通考

遼太祖嘗親征渤海大諲譔拔其扶余府誅
 其守將遂圍忽汗攻破其城詔以兵衛諲譔及
 族屬以出改渤海國為東丹忽汗城為天福冊
 皇太子倍為人皇王以屈之衛送大諲譔於皇
 都西城名諲譔曰烏魯古毒曰阿里只改扶餘
 府為黃龍府世為遼重鎮

○統文獻
 通考

三千人開之。中其酋來朝拜為勃利州刺史。遂置黑水府。以部長為都督。刺史朝廷為置長史監之。賜府都督姓李氏。訖唐世朝獻不絕。五代時始稱女真。後唐明宗時嘗寇登州。渤海擊走之。其後避契丹諱。更為女直。契丹之諱曰宗真俗訛為女質。居混同江之南者謂之熟女真。以其服屬契丹也。江之北為生女真。亦臣于契丹。後有酋豪受其宣命為首領者。號太師契丹。自廣州混同江北八十餘里建寨以守。予嘗自廣涉江過

其寨守禦已廢。所存者數十家耳。生女真即女金國也

真酋長乃新羅人。號完顏氏。完顏猶漢言王也。女真以其練事後隨。以首領讓之。兄弟三人。一為熟女真。酋長號萬戶。其一適他國。完顏年六十。余女真毒之。以女亦六十餘。生二子。其長即胡來也。自此傳三人。至揚哥太師無子。以其姪阿骨打之。牙謚曰文烈者為子。其後揚哥生子。圍棘乃令文烈歸宗。○松漢紀聞

○女真東北與五國為鄰五國之東接大海出名鷹自海東來者謂之海東青遼人酷愛歲々求之女真至五國戰鬥而後得不勝其擾遂畔

○女真有俊禽曰海東青次日玉瓜駿俊異絕倫一飛千里非鷹鸕鷀鵙之比延禧縱弛失道荒于畋獵喜此二禽善捕天鵝命女真國人過海詣深山窮谷搜取以獻國人厭苦遂叛 ○東都事略下同

○遼主延禧立歲使人須索於女真又求海東青者名禽也小而俊健女真不堪命

○渤海國去燕京東北千五百里以石累城脚東竝海其王旧以大為姓右姓曰高張楊竇鳥李不過數種部曲奴婢無姓者皆從其主 ○

契丹國志下全

○古肅慎城方一作大五里在渤海國東三十里遺堞尚在

地者謂之熟鞞鞞尚能種林稌以平底瓦釜煮而食其遠者謂之生鞞鞞止以射獵為生無器甲矢用骨鏃而已蓋以地不產鐵故也契丹雖通其和市而鐵禁甚嚴及金人得河東廢夾錫錢執劉豫又廢鐵錢由是秦晉鐵錢皆歸鞞鞞得之遂大作軍器而國以益強方金國盛時鞞鞞歲時入貢衛王既立鞞鞞主忒沒真始稱成吉思皇帝山東兩河皆為大朝收附矣 ○大金

國志下同

○又有勝骨國者在女真之東北唐謂之蒙兀部金國謂之蒙兀亦謂之崩骨人不火食夜中能視以鮫魚皮為甲可捍流矢自天眷年間宋興始叛都元帥宗弼即兀木所謂四太子者用兵連年卒不能討但分兵據守要害反厚賂之其國亦自稱祖元皇帝時為邊患遺以子女玉帛則敵為內顧而回師蒙人稱帝既侵金國得契丹漢兒婦女而妻妾之自是生子全不類蒙人又漸有火食至是大朝乃自號大蒙古國然二國居東

西兩方相望凡數千里不知何以合為一名蓋
 全國盛時置東北招討司以捍禦萌骨高麗西
 南招討司以統隸北方西夏萌骨所據蓋金主
 太宗創業時地二十七團寨而北方之境東接
 臨洮府西與夏國鄰南距靜州北抵大人國今
 盡為天朝所有矣

○女真在契丹東北隅地饒山林田宜麻穀土
 產人參蜜蠟北珠生金細布松實白附子禽有
 鷹鷂海東青之類獸多牛馬麋鹿野狗白兔青

鼠貂鼠其人勇悍善騎射喜耕種好漁獵每見
 野獸之蹤蹊而求之能得其潛伏之所又以樺
 皮為角吹啣々之聲呼麋鹿而射之其居多依
 山谷聯木為柵或覆以板與樺皮如牆壁亦以
 木為之土產無桑蚕惟多織布貴賤以布之粗
 細為別又以化外不毛之地非皮不可禦寒所
 以無貧富皆服之

○許元宗奉使行錄曰黃龍府為契丹東寨當
 契丹強盛時擒後異國人則遷徙散處于此南

有渤海北有鐵離吐渾東南有高麗靺鞨東有
 女真室韋北有烏舍西北有契丹回紇党項西
 南有奚故此地雜諸國俗凡聚會處諸國人言
 語不通則各為漢語以證方能辨之

契丹國在庫莫奚東唐所謂黑水靺鞨者今
 其地也有七十二部落不相統制好為寇盜父
 母死而悲哭者以為不旺但其屍置於山樹
 上經三年後乃收其骨而焚之因酌酒而祝曰
 冬月時向陽食夏月時向陰食我若射獵時使
 我多得猪鹿其無礼頑囂於諸夷最甚其風俗
 與奚靺鞨頗同至阿保機稍拜服諸小國而多
 用漢人漢人教之以隸書之半增損之作文字
 數十以代刻木之約又制婚姻置官號稱皇帝

多產金故女真阿古荅稱帝國號大金其國人皆以魚鹿之皮為衣風俗好歌舞肘腋常帶利刃晝夜不解輕生重死好戰鬥無畏所懼者惟野人與野人為親者即刺其面

○弩耳子在女真之東北與狗國相近其地極寒雪深丈餘衣狗皮食狗肉養狗如中國人養羊不種田捕魚為生其年魚多謂之好牧出海青產白鹿有一獸人莫能見常有鮫下之骨角如龍骨相似

○大野人國有大山林男子切長如犛曾韃韃追趕至將好搭在乎上奔走會人言食乘即野人同人同

○小野人在女真之北性狼戾不畏生死以殺死為吉祥病終為不利父子相殺以為常焉種類以黥面為號

○狗國在女真之北乃陽消陰長之地得天地之氣駁雜不純婦人與人同穿衣能人言男子狗也不能語其音狗嗥不穿衣食生肉婦人食

熟肉遼有商人會至其國犬遇絕不令歸其妻
與筋十餘隻曰汝之數里可置一枚於地狗見
必啣歸家汝方得脫為善狗護愛家物之意故
也

○大... 入... 會... 信... 文... 俱...
○大... 入... 四... 百... 大... 山... 林... 異... 奇... 壯... 觀... 曾... 鑄...
○大... 入... 四... 百... 大... 山... 林... 異... 奇... 壯... 觀... 曾... 鑄...

○元初以遼陽為東京世祖至元中改立遼陽
等處行省統路七曰遼陽路廣寧府路大寧路
東寧路瀋陽路開元路合蘭府水達達等路
戶五日桃温曰呼里改曰幹
朶憐曰脱幹憐曰索苦江已立肇州宣慰司
自漢以來版圖所隸未及混同江以東也遼金
二祖創興闢地始廣至元則南魚高麗北通天
漢東南際海道里不可以數計 ○元史類編

北邊輿地分界要覽圖纂徵
 卷之二
 女真東瀕海西接兀良哈南隣朝鮮北至奴
 兒于北海古肅慎之地在混同江之東後漢謂
 之挹婁元魏謂之勿吉隋唐曰黑水靺鞨唐初
 渠長阿固即始來朝後乃臣服開元中以其地
 為燕州置黑水府其後粟末靺鞨強盛號渤海
 黑水皆役屬之又其後渤海浸弱為契丹所攻
 黑水復擅其地即金鼻祖之部落也初號女真
 後避遼興宗諱改曰女直臣屬於遼部族散居
 山谷至阿骨打始大易部建國曰金滅遼設都

○女真東瀕海西接兀良哈南隣朝鮮北至奴
 兒于北海古肅慎之地在混同江之東後漢謂
 之挹婁元魏謂之勿吉隋唐曰黑水靺鞨唐初
 渠長阿固即始來朝後乃臣服開元中以其地
 為燕州置黑水府其後粟末靺鞨強盛號渤海
 黑水皆役屬之又其後渤海浸弱為契丹所攻
 黑水復擅其地即金鼻祖之部落也初號女真
 後避遼興宗諱改曰女直臣屬於遼部族散居
 山谷至阿骨打始大易部建國曰金滅遼設都

於渤海上海至海陵改為會寧府金已歸元以
 其地曠闊人民散居設軍民萬戶府五鎮撫北
 邊曰桃温曰胡里改曰斡朶憐曰脫斡憐曰孛
 苦江分領混同江南北水達達及女直之人有
 合蘭府水達達等路以總摠之迨入本朝悉境
 歸附 ○大明一統志

○海西女直永樂元年女直野人頭目來朝設
 建州衛軍民指揮使司並千百戶所鎮撫賜印
 及誥又置兀者衛海西建州毛憐等處有衛有
 地面有千百戶所有站皆遣人朝貢建州衛建州
 左衛建州右衛毛憐衛每衛每年許一百人建
 州寄住毛憐達子每年十二人其餘海西各衛
 並站所地面每年每處不過五名其都督來朝
 許另帶有進貢達子十五人同來每歲於十月
 初驗放入關十二月終止

貢物

馬

貂鼠皮

舍列孫皮

海青

兔鶻

黃鷹

阿膠

殊角

○大明會典下同

○東北諸夷有數種洪武永樂間相率歸附朝廷官其酋長為都督都指揮指揮千百戶鎮撫等官賜以勅書印記所設有都司一衛三百二十八所二十四站七地面七寨一

○女直乃古肅慎氏地在混同江之東開元之

北東瀆海西接兀良哈南隣朝鮮漢為挹婁元魏為勿吉唐為黑水靺鞨其部落曰女直金祖也元滅金以其地置軍民萬戶府名合蘭府五國初分為數種居海西者曰海西女直居建州毛憐者曰建州女直極東最遠者曰楚人女直諸小種甚多皆勇悍善射耐飢渴喜鬪戰建州居中為雄長地亦要害其人知耕種緝紡居處飲食頗有華風永樂九年遣將將水軍召集諸酋豪

餌以官賞于是東旺佟同答刺王肇州瑣勝哥
四酋率衆來降自開元迤北因其部落所居置
都司一衛一百八十有四千戶所二十其酋長
為都督指揮都指揮千百戶鎮撫諸職給之印
信俾仍旧俗各統其屬以時朝貢又朝貢地面
城站口河諸處凡五十八不領于衛所並約歲
一朝貢又設馬市開原城北設安樂自在二州
居降夷初諸夷奉職惟謹我亦厚結其心正統
土木之變夷酋李滿住董山陰與馬子孫以二

酋徒亂故盡失其賜勅不得官以舍人入貢賞
宴大減為恨董山糾海西毛憐寇邊無虛月出
兵五萬討之山降送京師放歸而暴橫自如乃
就廣寧誅之分道搗其巢築撫順清河諸堡未
幾諸夷忿欲執小仇時々為患而撫臣陳越輒
掩降虜為功又附權閹汪直出塞生事夷益入
塞報復詔遣侍郎馬文昇經畧撫定之忤汪直
遂為直所陷謫戍蜀卒出師襲破之而道遇貢
夷哈速郎禿並捕送京或誅或竄夷怒益深禍

益烈歷正德嘉靖間迄不靜巡撫于敖剌咸賞夷物致譁不能撫而詐殺之夷復糾俺答兀良哈大寇遼東然貪恤官賞雖叛旋服焉萬曆末遼人都督李成梁父子狎之如一家撫臣李維翰亦盡隳防守致亂及用楊鎬毫不知兵而輕言搗巢一旦喪十萬之師後來者束手無策禍始滔天矣其詛語呼天為阿瓜地為為納日為受溫月為別阿其俗土氣極寒常為穴居以深為貴好養豕食肉衣皮冬則厚塗豕膏禦寒夏

則裸袒以尺布蔽體臭穢不潔作廁于中環之

而居好勇善射喜寇盜東漢書挹婁傳嚼米為酒食之

亦醉以溺洗面婚嫁男就女家父母春夏死立

埋之冢上作屋令不雨溼秋冬死以屍餌貂之

食其肉則多得之北史勿吉傳酒殺殺人不辨父母

衆為縛之候醒而解散居山谷自推豪傑為酋

渠文獻通考無市井城郭逐水草為居以射獵為業

設官牧民隨俗而治有狗車木馬輕捷之便狗

車形似船以數十狗拽之往來通運木馬形如

彈弓擊足激行可及奔馬二者止可永雪上行元志。潛確類書下

○建州女直其俗頗類開元舊俗居腦溫江上自海西下至黑龍江謂之生女直略事耕種聚會為禮人持燒酒一魚胞席地歌飲少有忿爭則彎弓相射可木以下以樺話皮為屋行則馱載止則張架以居養馬弋獵為生其阿迷江至散魯江頗類河水乘五板船疾行江中乞列迷有四種性柔刻貪狡捕魚為食着直筒衣暑用

魚皮寒用狗皮不識五穀惟狗至多耕田供食皆用之死者刳腹熱之以灰燼夾于木末植之自乞里迷去奴兒于三千余里一種曰野人女直性剛而貪文面椎髻帽綴紅纓衣綠絲組惟袴不褻渴婦人帽垂珠珞衣綴銅鈴射山為食暑則堊居寒則室處一種曰北山野人乘鹿出入又一種住平土屋脊開孔以梯出入臥以草鋪類狗窩一種曰苦兀在奴兒于海東人身多毛戴熊皮衣花布親死刳腸胃曝乾負之飲

食必祭三年後棄之其隣有吉里迷男女多
 女始生先定以狗十歲即娶食推腥鮮開元志
 產楛矢及石砮重構金線赤玉真珠金鹽阿膠
 野猪野牛海豹皮海驢皮海狗皮膃肭臍海東
 青等物云



